

「國家社會科學基金重大項目」

何建明 主編

中國地方志
佛道教文獻匯纂

人物卷

(45)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
人物卷
佛道教文獻匯纂
(45)



國家圖書館出版社

中國地方志佛道教文獻匯纂·人物卷
浙江省 紹興市

會稽志

宋·沈作賓修 施宿等纂

宋嘉泰元年（一二〇一）修

民國十五年（一九二六）影印清嘉慶刻本

神仙

越范蠡字少伯徐人也事周師太公望好食桂飲
水爲越大夫佐句踐破吳後乘輕舟入海變
名姓適齊爲鴟夷子皮後百餘年見陶爲陶
梁君財累億萬號朱公復棄之蘭陵賣藥後
人世世識見之云

事載劉子
政列仙傳

漢梅福字子真九江壽春人少學長安明尚書穀
梁春秋爲郡文學補南昌尉後去官歸壽春
居家常以讀書養性爲事至元始中王莽顯

政一朝棄妻子去九江至今傳以爲仙其後
人有見於會稽者變名姓爲吳市門卒云今
山陰之地有山曰梅山有鄉曰梅市有里曰
梅里圖經載會稽志云吳市門卽此也事載前漢書列傳并圖經

魏伯陽會稽上虞人高門之子性好道術不肯仕
修真潛默養志虛玄博瞻文詞通諸緯候入
山將弟子三人作神丹丹成知弟子心不盡
乃試之曰丹今雖成當先服之入口卽死獨
有一弟子曰吾師非凡人也服此而死將有

意耳亦乃服丹卽復死餘弟子不服乃共出
山爲求棺木伯陽卽起將服丹弟子而去因
逢人入山伐木故作書於鄉里寄謝二弟子
作叅同契五相類凡三卷其說似解周易實
假爻象以論作丹之意

事載葛稚川神仙傳

荀子訓不知所由建安中客濟陰宛句有神異之
道流名京師士大夫乘風向慕之乃駕驢車
詣許下旣到公卿以下候之者常數百人皆
爲設酒脯終日不匱後因遁去遂不知所止
去之日唯見白雲騰起從旦至暮如是數十

處時有百歲翁自說童兒時見子訓賣藥於
會稽市顏色不異於今後人復於長安東霸
城見之與一老公共摩挲銅人相謂曰適見
鑄此已近五百歲矣顧視見人而去猶駕昔
所乘驢車也見者呼之曰薊先生小住並行
應之視若遲徐而走馬不及於是而絕

事載後漢

書方術傳

吳劉綱字伯經下邳人初居四明山後爲上虞令
師事白君受道歷年道成邀親故會別飲食
畢登大皂莢木上去地十餘丈舉手而別忽

然飛入雲中妻樊夫人亦有道術俱昇天今

白水觀乃其遺迹云

事載葛稚川神仙傳及白水觀碑

趙廣信陽城人魏末渡江入剡小白山受李法成

服炁法又受師左君守玄中之道內見五藏

徹視法如此七八十年周旋郡國或賣藥出

入人閒人莫知也多來都下市井作九華丹

丹成遂乘雲駕龍白日登天

事載真誥

虞翁生會稽人受仙人介君食日精法以吳時隱

狠伍山兼行雲炁回形之道精思積久形體

更少如童子後乘雲昇天

事載真誥

晉葛玄字孝先丹陽句容人從左元放受九丹金液仙經常服餌求長生能絕穀連年不飢曾游會稽有賈人從海中還過神廟廟使主簿語賈人曰今欲因寄一書與葛仙公可爲致之主簿因以書函擲賈人船頭如釘著板拔不可得還達會稽輒以報仙公仙公自往取之卽得也語弟子張恭曰吾不得治作大藥今當作尸解去八月十二日日中時當發至期衣冠入室而臥氣色不變弟子等燒香守之三日三夜夜半中忽大風起發屋折木聲

響如雷燭滅良久風止然燭失仙公所在但見衣在而帶不解以其學道得仙故號曰葛仙公今會稽有仙公釣磯及煉丹井具在事載

葛稚川神仙傳及晉書葛稚川傳及舊經

葛洪字稚川仙公從孫以儒學知名性寡慾不好榮利閉門却掃究覽經籍尤好神仙導養之法初仙公以鍊丹祕術授弟子鄭君稚川就鄭君悉得其法咸和初選爲散騎常侍固辭不就聞交趾出丹砂求爲句漏令乃止羅浮山鍊丹在山積年優游閑養著述不輟著內

外篇凡一百一十六篇自號抱朴子因以名
書年八十一卒顏色如玉體柔軟舉尸入棺
輕如空衣世以爲尸解得仙輿地志云上虞
縣蘭芎山葛稚川所棲隱也今會稽有仙公
遺蹟至多稚川蓋亦嘗至焉

事載晉書列傳及舊經

許謚字思玄少知名儒雅清素博學有才章簡文
皇帝久垂俗表之顧與時賢多所儔結少仕
郡主簿功曹史王茂弘蔡道明辟從事不赴
選補太學博士出爲餘姚令入爲尚書郎郡
中正護軍長史雖外混俗務而內修真學密

授教記遵行上道挺分所得乃爲上清真人

少子靜泰久居會稽禹井山頗遵承家法傳

受經書云

事載真誥

梁陶弘景字通明丹陽秣陵人十歲得葛稚川神仙傳晝夜研尋便有養生之志齊高帝作相引爲諸王侍讀永明中脫朝服挂神武門上表辭祿許之勅所在月給茯苓五斤白蜜二升以供服餌止於句容之句曲山立館號華陽隱居仙書云眼方者壽千歲弘景晚年一眼有時而方梁大同二年卒年八十五顏色

不變香氣累日謚貞白先生按內傳言先生
嘗還邇東邁改名氏曰王整官稱外兵今會
稽陶宴嶺有先生遺迹嶺由此得名又上虞
縣釣臺上夏侯曾先地志言先生嘗乘槎釣
於山潭中

事載南史隱逸傳
及內傳并圖經

嚴青會稽人遇神人授素書一卷曰汝骨應得長
生青言我不識書當奈何神人曰不須讀也
但以絮器盛之置高處耳并教服石髓法受
之無他佳器惟有飲壺乃用以盛所授書卽
便見其左右常有數十人侍之治病救患但

以所授書到其人家所病便愈百姓尊奉之
後斷穀不食一年入小霍山仙矣

事載葛稚川神仙傳

不著
時代

高僧

竺潛字法深隱剡山晉哀帝兩遣使致之至建業

簡文尤師禮之劉惔見於簡文坐中嘲曰道

人亦遊朱門乎潛曰君自見朱門耳貧道以

爲蓬戶還山支遁求買沃州小嶺

世說作因人就深公

買印山

潛曰欲來當給不聞巢由買山而隱也

支遁字道林入剡中謝安守吳興以書抵遁曰山

縣閑靜計不減刻幸副積想王羲之在會稽
聞遁名見之乃定交遁還刻路由稽山羲之
詣遁延住靈嘉寺入沃洲嶺建精舍晚移石
城山樓光寺至山陰講維摩許詢爲都講賓
主之辨相尋無窮世說又載諸人士及林法師並在會稽西寺講王荀
子在焉許據便往西寺有遣馬者受之有譏
與王論理共決優劣之者遁曰吾愛其神駿有餉鶴者曰冲天之
物寧當爲耳目之玩遂放之世說云支公好鶴住剡東嶺山
山去會稽二百里嘗經餘姚陽曰謝安石相從至此
未嘗不移旬今觸情是愁耳歿葬陽中

于法開遊石城住元華寺又移白山靈鷲寺與支
公爭色空義弟子法威最知名開嘗使威出
都當還山陰世說作使
過會稽曰道林正講小品將
無往見之耶威曰諾旣至遁方捉麈威致難
攻之遁曰君乃受人寄載來耶

竺法崇有律學精於法華經居剡之葛峴山茅茨
澗飲孔淳之訪之信宿不去神思傾豁

竺法曠晉興寧中東遊禹穴放情山水至若耶愛
孤潭欲就岩爲廬孝武帝欽其爲人迎至京
師止長干寺以師事之

竺道壹依止虎丘學徒蟻慕若耶山有白道猷者
以詩寄之曰連峯數千里修林帶平津雲過
遠山翳風至梗荒榛茅茨隱不見雞鳴知有
人閑步踐其徑處處見遺薪始知百世下猶
有上皇民壹得詩欣然往訪猷信宿而歸嘗
從都下還東山經吳中雪下未甚寒諸道人
間在道所經壹公曰風霜固所不論乃先集
其慘澹郊邑正自飄瞥林岫便已皓然

釋道慧餘姚人讀遠公傳慕其爲人遊廬山卜居
西林三年王式辨三相義慧詰難之詞句煥